




昨非集

下

土岐文庫
文庫17
W168
2



文庫 17
W168
2



昨非集卷下

淡海釋顯常大典撰

七言律

春盡

雲霧連朝黯不開，三春已盡夏將催。
階前宿雨莓苔長，林上新陰鳥雀來。
病裏烟花過閉戶，人間盃酒負登臺。
南薰明日儵然到，臥聽庭松一曲迴。

寄遵隆二師在對馬

搖落千山獨倚欄，浮雲西北隔交歡。
天涯白雁書何報，客裡清秋興未寬。
夕日空懸溟渤影，烟波遙絕島

昨非集下

卷之五 詩 五

昭和六十年二月一日贈
土岐善唐氏寄

010185189959

日
月
寒
絮
深
莫
厭
勞
蹤
跡
人
謂
風
塵
踏
海
難

即事簡孝秩

秋風伏枕惜蹉跎百歲江湖奈爾何黃葉欲飛千壑
肅碧雲向暮一鴻過賦中宋玉悲時切樓上仲宣思
國多餘亦恨為塵外客空將浪迹負山阿

維宣師與余約中秋翫月紉林而余臥病未起
師亦尋病至夕月又不明悵然而作

清秋三五鴨河潯綠茗華筵病不禁豈謂人間朝已
失遂令天上影空沈千家雲合笙歌靜四壁燈疎
蟀吟君自謝莊能作賦可堪蕭寂臥祗林

將赴湖曉發平安

曉出皇州宿霧迷松杉翳鬱下成蹊白雲山上孤鴻
滅丹鳳城頭缺月低且有江湖供勝事未將岩穴
幽栖廿年衣鉢萍蓬客夢裏風烟遠舊溪

元日

香樓鐘罷坐清晨又見人間物候新萬里韶華開宿
雪千門柳色入芳春青氈自若消中日白髮從他世
外身啼鳥幽花多野趣舊來好事湯相曰

首春城中即事

禁城春色曉陰陰雨雪霏霏滿上林笛裡梅花落何

處夢中芳艸好誰尋東風漸惹御溝柳遲日未還幽
谷禽誰謂袈裟逢歲事天涯能感二毛侵

早春夜猷公見過有詩酬之

滿空星月滿簾櫳有客相逢問轉蓬人事年年新舊
異交情日日往還同中原把袂心偏苦此夜披襟氣
自雄不是彩毫推乃作賦恐將春艸怨文通

早春簡孝秩兼寄孝則

都城駿馬自翩翩想爾衡門獨守玄海上雲山仍別
夢容中楊柳又新年千秋意氣蓬蒿底一代風流眼
睨前不向春來芳艸好誰堪棟夢遠相憐

橘生遊學平安來寓余寺與諸子啜味日贈之

浚水舟船攬上游春風載筆帝王州明時書劍多
態遲日烟花散客愁何處董帷堪講誦相逢蕭寺問
綢繆莫成長缺無魚嘆祇樹清齋好且留

登男山

漢家祠廟鎮當今千載守祧丹嶂深陰壑松杉開禁
藥古壇金碧擁仙岑帝城縹緲春雲合江水逶迤落
日沈更欲題詩尋往事悲風啼鳥動空林

季夏孝秩自大坂來訪

閒居伏枕絕逢迎邂逅扁舟勞友生白璧依然懷中

色碧雲無恙舊來情九旬坐臘人仍病六月塞搖翼
未成蓮漏蕭條君自見更無樽酒醉淵明

奉賀宰相營公及侍從公上丁講書賦詩

北闕秋雲五色高經筵此日侍臣勞
聖恩一代開麟德萃曹千年見鳳毛
王殿傳杯美宸眷清朝補袞屬詞曹
揆天不忝康哉咏相繼風流有綵毫

九日登高

佳節青山對晚霞却來千古憶陶家
清霜萬壑秋聲靜落日長空鴈影斜
不折茱萸悲白髮聊從歲月閱
黃花登高非復宅鄉思飄蕩長歌漫自誇

得時中孝秩書至自大坂問余疾
且云請邀以養之賦此寄謝

三冬伏枕毘耶城忽有鴻書勞友生
憔悴自驚開鏡色艱難苦軫贈袍情
寒風室內空消日雨雪山陰且計程
只說東林仍習定嬾從松菊問淵明

春日懷清君錦

祇園節物感離群昨夜樓頭鴈遠聞
臥病誰憐吾罷社倦遊偏愛爾能文
夢回鐘磬東林月興動琴書北海雲
儘道桃花源上好洛城春色未孤君

冬夜偶懷

冥坐青燈靜夜長，
簾纖細雨透空堂。
素居閑處歲云暮，
故態風塵客自狂。
方外乾坤無去住，
人間衣鉢有行藏。
忽思雨雪湖山好，
直置扁舟不可忘。

立春後聞鴈有感

萬里春雲鴈北飛，
天涯遊子正思歸。
千秋竹帛時名過，
百歲衣盂生事微。
琵琶水舟船人自遠，
鳳城楊柳客相依。
倘然更有圖南翼，
不謂樊籠一世違。

咏笛

玉笛悠悠揚何處，
聲風飄律呂滿江城。
梅花乍發曲中色，
楊柳偏驚客裡情。
愁合斜陽悲舊友，
疾飛中夜走

胡兵無端自關山，
奏盡使征人恨月

寶鏡公主宮賞雪

花宮雨雪曉陰陰，
帝子風流授簡心。
卷幔寒光流殿迥，
倚欄春色滿枝深。
諸天縹緲縣珠網，
上界參差列寶林。
君自大和高咏在，
躊躇自愧惠連吟。

就猷公乞北山樹

北山衆木自葱蘢，
中有池臺啟梵宮。
蒼靄半圍開士座，
綠陰長動大王風。
徂徠歲晚寒松樹，
靈隱秋深老桂叢。
若許一株移得植，
烟霞相引興還同。

中納言菅公碧山樓見招時始見良德

新雨新年興轉催，碧山春色此徘徊。風流異代龍門客，詞賦清時翰苑才。嶽色晴分軒外望，川雲停向曲中開。朱城似是東林社，綺席兼從北海杯。

立秋

西風此日動高樓，便覺人間炎暑收。銀漢城頭低漾漾，白雲江上太悠悠。明星萬戶梧桐冷，暗水千林熠燿流。見說琵琶湖秋色好，月中焉得命扁舟。

七月八日會友人

碧對青山接素秋，金風颯颯滿城頭。鵲橋昨夜雙星會，鳳闕今朝宿雨收。天上一年悲遠別，人間百歲喜

同遊。衲衣自異悲哉思，乘月須登百尺樓。

寄遠

鴛衾角枕臥青樓，明月踈簾螢火流。鏡裏翠娥秋自暮，天涯錦字路何由。榆關烽火連征戍，杜曲葦葦砧石長別愁。聞道沙場多戰骨，肯教夫壻覓封侯。

惟宣師見送燕子花為賦

燕子花開池上新，更令幽賞屬幽人。風含嫩葉青斜出，露裊天葩紫始伸。采采欲遺情一至，依依相對趣何真。恨他千古湘江外，不得芳名從楚臣。

藤景和寓居洛西涯訪之

東來岳色挂高樓南去溶溶一水流萬里秋風起城郭無邊爽氣滿林丘毘盧殿壓千家出薩埵宮連衆壑幽自有主人耽繪事丹青併入臥中遊

孟冬陪大聖公主遊鹿苑寺應教

練若遊心自不群黃金傑閣倚蒼雲寒風陰壑飛泉瀉落日深林伐木聞朶朶岡巒繖頭出雙雙鷓鴣鏡中分山名繖山池名鏡湖猶言紅葉停車好無限秋光畱向君

雷岩咏尚六十壽詞

五滌真人初度時東風二月梵宮披洞津曉樹春雲繞漕浦烟波旭日遲禪和長看常住相儂祇不盡無量期當筵那說蟠桃熟祖苑聯翩孫子枝

近江途中作

一因多病避風塵此日行吟大澤濱竹島烟雲天未水草津楊柳驛邊春歸來不是田園客老去終為岩穴人寄語洛城朋好道沙頭白鳥正相親

彥根過孔章贈之

琵琶湖上舊烏巾回首風塵笑此身鷲嶺雲隨飛錫去龜山春為和歌新龍泉誰識斗間氣燕石還同席上珍自是青山拌寂寞憑君欲問養生真

暫寓浪華作

扁舟泛去浪華橋萬里孤雲對碧霄明月誰憐三匝
鵲深林自笑一枝鶴五畿軍國人炬接二世城池帶
甲銷聖代也須容棄物謁來餅鉢任逍遙

赴住吉途中

墨江十里杖藜勞麥隴風飄吹道袍鐵拐西臨滄海
遠金剛南入白雲高幾年伏驥空千里此日孤禽自
九臯敢謂乾坤甘散逸古來窮達一鴻毛

其二

長風萬里思悠哉地拆西南大海開雲去九州殘雨
散天迴四國百舸來蒼松祠廟前朝咏野鳥園陵異
代哀却有江山供挾祗賦成休問大夫才

世肅薰葭堂始見合麗王荅其見贈

廿載京華比倦遊拂衣汗漫向滄洲客來不是黃金
結賦就應須白壁酬雲水路空千里錫薰葭興動一
堂秋祗今才調如君在文物猶思古帝州

季秋自浪華赴京舟遲天既夕矣乃始詣聖息
寺投宿焉主席敬中和尚見待太厚賦之奉謝
時際開祖忌齋同門諸公來集因及之

夜月松門初地清深知如故主人情綠萍樽遇元緣

會鐵錫茲投豈化城古甃水寒茶味幽林露采茵
成羹忌辰更有芝蘭際祖苑千秋不忝名

五言排律

仲春昌平學觀釋奠

聲名溢中國教化施東方百世衮衣盛千秋廟食長
典謨追二帝禮樂綜三王華絕麟何獲時衰鳳豈翔
斯文曰未喪大業自無疆不見黷庠設安知邦域昌
乾坤開綵殿日月遶彫牆肅肅嚴春祀遲遲轉曉光
珍饈周篋列鏞鼓舜韶揚清道走諸吏明禋降萬祥
蘋蘩信堪薦黍稷德逾香緇素道雖異聖功寧可忘

遊直指菴呈無染和尚

不厭縈迴遠來尋直指禪紺園少人跡寶可絕塵緣
樓閣傍巖架澗泉引覓連脩林園後苑壘嶂俯前田
谷靜禽聲響樹交夕影偏踈鐘傳下界清梵落諸天
續焰至今日布金起幾年移茆非易地結社豈思賢
雲擁香臺外月臨竹椅邊淤泥元不染彌見卓然蓮
早春夜猷公見招分韻得紛字

珠林春月滿寶地夜鐘聞坐久燈仍落興闌爐自薰
衣孟元異俗翰墨且同群城市心何遠松筠境更分
幽情甘寂寂浮世任紛紛交感金蘭意才慚錦繡文

禪餘堪載筆，歌裏欲停雲。祇嘆祖庭晚，聲名好屬君。
結制前二日夜，猷公見過同賦得揚字。

聖制追前躅，安居此道場。四檐閒外雨，一穗定餘香。
散帙孤燈影，揮毫中夜光。隨蘭若澹，詠入根多揚。
六物生涯在三時脩，刻長泥徒汨沒達性且翱翔。
僧臘松同老，禪心物自忘。千山休勝迹，九夏鎖雲堂。
藥餌堪逃俗，薜蘿却憶鄉。相逢論世故，百歲奈津梁。
韶華滿帝畿。

曙色開閭闔，春雲五鳳凰。四山佳氣迥，九陌惠風揚。
玉曆頒三朔，彤庭會萬方。都城紆紫陌，野踏青郎。
德澤調陽洽，謳歌擊壤長。漢宮花遞發，周甸草行芳。
誰羨遷喬鳥，更憐送別楊。潘輿兼謝屐，處處問韶光。
仲冬日與諸禪應上田氏招同賦得催字。

豈嫌城邑鬧，杖鉢此徘徊。室邇無塵到，坐闌有興催。
宿雲兼雨散，庭樹動晴來。未結遠公社，也憐陶令才。
碧窓天會座，綺席月團杯。梁賦雪將至，郢歌春却回。
金爐疑日永，綵筆假花開。六味本非薄，三歸幸見推。
清遊移杖屨，嘉饌調鹽梅。賓主拌相得，素緇且莫猜。
談論縱名理，文句起心灰。待取高堂月，不愁夕影頽。
又得收字。

高堂歡未罄秉燭夜淹留
月亮城鐘徹樹疎天籟收
寒輕昼屏外春發竹爐頭
古物供清覽新歌入雅遊
論交元白社乘興即滄洲
茶薺也禪味詞篇豈世流
紅塵堪坐避玄理得相酬
塵尾談中動珍羞席上優
榮華寧汲汲心賞自悠悠
為爾操幽意忽疑在一丘

九月十七夜翰林管公邀登碧山樓翫月給以

盛饌賦以奉謝時有門客彈琴

高樓迎月出良會向昏開
夜色千山敞秋風萬里來
銀河連洛汭玉兔出天台
歌入七絃起食從四簋催
江湖容簡傲霄漢得趨陪
樹近露華裛坐闌斗影回
共乘庾亮興且愧謝莊才
寧識翰林主緇衣還見推

寶鏡公主宮賞月

深宮開綺席良夜屬金天
萬里浮雲捲一輪孤月懸
鏡光松際轉桂影坐間遷
鳳吹寧同調龍團更入禪
杯盞同法喜欄楯得留連
為道梁園賦不惟雪後傳

送高君秉歸長崎

君秉嘗遊字子之門時余不及見
今茲再遊平安則特見問余未遑朝夕
忽忽告別情見乎詩

書劍三千里憐君賦遠遊
詩篇滄海月杯酒洛城秋

已屬同文化，敢將觀國留彫龍。才自得附鳳路，何由
荆玉寧時價。隋珠或暗投，江湖多意象。竹帛見風流，
字昔揚亭問。社今廬岳求，玄談堪比許。麗藻愧非休，
未下迎來榻。忽回興盡舟，孤帆明浦外。真氣赤闕頭，
逝矣西方別。居然北斗愁，論交思後會。幾日我乘桴，

七言排律

夏夜同猷公賦十二韻

紺園脩竹四為圍，九夏安居坐掩扉。薄夜鯨鐘無客
到，清談麈尾向君揮。圓通高閣月初挂，般若空林風
乍稀。興盡剡舟且休反，歌成郢雪更相飛。已知然諾
尋常異，豈使交遊只尺違。華假身雲開五彩，珠含色
相映三衣。尚論意氣千秋是，孤抱行藏一世非。老去
騏驎悲伏櫪，閒來鷗鷺好忘機。祇緣多病周旋廢，總
為虛名生態微。洛地耆英寧結社，吳江菰菜苦懷歸。
琴中山水此時得，杖底烟霞何處依。不是同心携作
賦，可堪舊夢落漁磯。

五言絕

小集得路字贈士新先生

高臥終不起，蕭條避世路。枉殺陶淵明，歸來自作賦。
宇治翫月五首

大江白練流，忽見金波蕩。橋上一輪月，橋下水泱泱。

右宇治河

林間懸鏡影，波底涌金光。乘興向何處，不知露沾裳。

右東岸

白雲生岫口，峽寒月不照。四顧間無人，林風似鬼嘯。

右觀流亭

登道攝衣上，僧房開祇樹。蒼山蒼浩歌，明月隨閒步。

右平等院

秋光滿林麓，松露綴明珠。古殿靜相倚，啼蛩起艸蕪。

右釣殿

偶作

偶去蓮池上，納涼不省還。樓頭鐘忽動，皎月出東山。

夏日與友人遊紉林

綠茗浮盃潔，青荷裹飯香。四無遊冶客，山水駐人長。

新晴

竹日含朝露，山風捲宿雲。幽人方睡起，拂拂動南薰。

其二

黃梅傷逕落，綠竹繞堦深。初日茆檐下，呼童晒枕衾。

聞鴈

深更閒無響，歌枕一燈青。樓外數聲鴈，故令孤客聽。

謝隆公見惠墨

一雙子墨色好寫定餘吟應道風流主未曾必翰林

余宿普門山遊玄榭者數日榭設十景偶題短

什

葛城連雲

仙翁何處去千歲白雲飛縹緲亭中望猶疑駕鶴歸

十市驟雨

夏雲埋白日黯黯蓋荒城急雨一時下沛然似洗兵

池塘宿鴨

野鴨下清池林空樹影晚不見機心人靜夜眠何穩

村逕歸樵

冬日沈西嶺村樵歸有時殷勤棲隱處莫使俗人知

翠岬反照

菴屋隔人境翠岬繞作屏斜陽一相照彩綉滿孤亭

綠野穉苗

稻苗肥宿雨野水瀉平田若論吾舊物以此當青氈

茅檐對月

明月上高林復照林下水茅檐坐相對解道我心似

松塢聽濤

日夕松風起便為萬頃濤幽人聽不起山月臥方高

霜曉鯨吼

空山群籟息，霜氣滿林丘。忽聽華鯨動，開窓月一鉤。

晚涼螢飛

閒庭人過少，螢火西三飛。踈簾卷不盡，故入定中衣。

客至二首

早涼生竹樹，拂拂襲人來。縣罄君無厭，但看月影開。

其二

明月臨庭際，詩成月下題。逍遙心所適，天地此禪棲。

題畫

竹關一樹梅花開，人不識。殷勤枝上鳥，聲聲報春色。

曉望

初日上東岑，曛曛照曉陰。平郊連白霧，一鳥出空林。

西軒有舊礎，石徑三尺強。移諸庭下，命以明月。

礎偶賦三絕

千古那精藍，空留一礎石。不是談般若，兀兀坐閒夕。

其二

愛此盤陀上，逍遙聊足樂。時携茶甌煮，適見松卵落。

其三

何來一片月，皎皎照盤陀。幽人坐不起，影落松枝多。

題畫

四山明積雪寒水蕩乾坤茅亭無限趣相對似忘言

又

碧樹濃還淡青山斷復連古寺人何在孤舟蘆葦邊

九月十五夜廣澤看月

千頃秋池濶亭亭月色清不看第二影遠近一輪明

世言廣澤之月方其東出水上成二影在遠

邇自西隄而東臨可以見蓋山勢使之然云

是夕余至則月既上矣而土人曰十五日月

出猶早而影不的欲見二影方可十六七夜

以後第二影佛經語

月夜賢公見過

曲巷君能到開軒月也來清貧無一事且坐綠茶杯

婕妤怨

明月綺窓鎖深宮寤寐愁昭陽歌管響恍入昔時遊

梅花時待人不至

花發無人來無人花自落深院連朝雨孤窓拌寂寞

應關白藤公命題畫二首

江南錫貢處橘柚飽秋霜誰看丘園外累累枝上黃

右榭檀

綠萼花爭發乃形已半成豈其不相棄好見同根情

右刀豆

題白帝城圖

奔水山間出尖城雲際微江陵千里路一幕去如飛

題池無名畫山水

寒山萬木中中有幽棲者曳杖向何之秋雲任所惹

同前二首

岩壑帶清溪溪隈置茆屋欲問畫圖人此境何從得

其二

此境何從得我將往誅茅孤舟回轉去雲樹幾交交

向兼明世肅藥樹遊北野各有絕句和其韻

浪跡衣珠並窮交懷僻連此生無適莫詞賦且周旋

右和兼明

清流一澹澹似是濠梁濱緇素相携地誰知齊物真

其右和世肅

江山憐異域書劍感同人休笑沃州計浮生已疲津

右和藥樹

七言絕句

送人之奧

臨岐駐馬問刀鏤萬里雲山慘別顏到日知君孤宦
意秋風吹度白河關

懷士新先生四首

携手河梁搖落時，天涯遊子重相思。
欲將尺素憑征雁，千里浮雲使我悲。

其二

碧天縹緲白雲殘，削出芙蓉萬仞寒。
回首中原偏憶爾，朝來爽氣好誰看。

其三

舊來陶令臥茅茨，寄傲南窓只自知。
借問何人能載酒，莫令黃菊老東籬。

其四

幾年披褐抱階侯，說着連城未肯投。
不是人間多按劍，可能寒色動千秋。

答孝秩聞梵見贈

才子沈淪滯洛京，高歌白雪向誰成。
此宵竹院聞仙梵，非復人間寡和情。

題花舫

一艇何來晚自橫，飄搖宛似棹空明。
江南誰是尋春去，幾樹烟花載得行。

謝人送梅花

何處深林水玉容，移來瓶裡興何濃。
夜深獨臥窓頭

月夢在羅浮第幾峰

賣茶翁携茶具訪士新先生煎茶飲之余亦與

烏席上奉贈先生二首

蕭然茶鼎竹林傍朝夕風烟颺草堂為是人間少相
賞携來今日與君嘗

其二

寄傲南窓秋色開蕭條三逕少徘徊芳鮮新發雷溪
色爭若當年載酒來

遊澤村氏別莊

鞍山山北行人稀千鳥岡頭孤鳥飛此日幽莊晴極

目春風無限滿芳菲

孟冬與諸子遊修學寺觀紅葉以霜葉紅於二
月花為韻余得二字時孝秩等後至不會

緇素相將心不二離宮雲樹入佳地紅楓迎客客何
遲此景此時無限意

又代樹禪得霜字

千林紅樹夜來霜蜀錦裁成望裡長鳳輦不來秋已
盡却令風物屬清狂

送孝秩移居大坂五首

書劍栖栖洛下塵扁舟明日又江濱猶言故園千

隔憐爾東西南北人

其二

遊子天涯欲別難，河梁落日重盤桓。片心不用吳鉤贈，一曲離歌白雪寒。

其三

負笈當年入帝城，楊門誰識問竒情。太玄不為時人出，千載無傳侯氏名。

其四

世情何處不悠悠，且逐飄蓬任去留。孫戶縱今愁裏閉，隋珠莫向暗中投。

其五

東林此日罷周旋，社裏風光誰復憐。明到浪華時矯首，洛城廻合碧雲天。

送孝則暫之浪華兼寄孝秩二首

洛城風雪動餘寒，二月江南梅自殘。此日知君同賞足，一枝嬾寄社中看。

其二

江上春風賦裏開，當門草色少徘徊。夜來忽落池塘夢，握手應憐小謝才。

題碧桃壽山母七十

池上碧桃晴，正花更將綵服闋。年華怪來不逐群芳，老春色偏隨阿母家。

宿山寺

僧房人少掩松林，倦鳥孤雲物外心。明月通宵臨靜室，清流徹曉下遙岑。

謝賢公見饋豆沙糕

顆顆新蒸篋裡隨，幽人煮茗賞相宜。不教何氏誇十字，欲使劉郎入一詩。

赴奈良途中作

衲衣南去古皇州，二月烟花入勝遊。此日乾坤還獨

往，白雲流水一悠悠。

奈良宿中沼氏

遶城多是梵王家，無復春風駐翠華。夜半鐘聲孤枕下，猶思長樂舊時花。

歷大安寺跡

香臺一旦化為原，野日曛曛春草繁。不向緣生悲幻滅，布金猶自說祇園。

春日上田氏別莊看梅花

茅宇深開一徑斜，林園千樹占年華。誰知此日幽人意，何處春風不見花。

雨中鹿苑院看櫻花二首

千竿綠竹古祇林中有穠花映竹深不向青山勞謝
履雨餘春色此相尋

其二

嫩蕊枝枝著雨寒年芳此日好誰看春風似愛招提
境吹作天花遠竹欄

謝人問疾

伏枕經春竹院寒蕭蕭風雨遠欄干殷勤問訊昆耶
病一默寥然坐夜闌

豐島氏七十壽詞

平安人以醫仕其侯今茲致仕而歸其家有藥名千金圓

故國新回杖國年錦衣更映彩衣鮮當筵不唱千金
壽自有靈方肘後傳

西風秋日遊鹿苑寺猷公有詩酬之

故宮池館敞林扉相遇登臨逸興飛縱有梁園曾授
簡何如山水入清徽

遊牛瀑山三首

牛瀑山在和泉北距浪華九十里東南與葛
城接寺號大威德寺役小角所創其後僧慧
亮者嘗見明王乘青牛從瀑中而現就錄之
至今安諸寺云是山也左右對峙水落其間

耶非集
傍為寺房舍數十山多楓每及秋冬之交
為盛觀海內稱曰牛瀑紅楓遊人太多
深入溪清岩聳秋葉益佳有窟焉乃小角巖
經處蓋行十里而至葛城此與太和葛城不同也
獨上寒山落日殘紅楓如錦遶嶺岫青牛安在真人
氣秋色空留萬古看

其二

西風蕭颯動香臺碧樹紅楓盡裡開
兩岫青山千萬壘溪流一道自天來

其三

登登一路入空山策杖溪頭客未還
欲寫新詩紅葉去恐隨流水至人間

偃蓋松賀七十

三春卉木向葱蘢獨愛孤松蒼翠濃
為是仙禽同久要歲添蓋影幾重重

出塞曲

十萬旌旗雪裡屯明朝突騎取烏孫
自憐已分沙場死猶向鄉園動夢魂

題海濱圖

絕岸窮涯大海開不知何處覓蓬萊
條然欲動宗

興落日秋風萬里來

大聖公主宮賞花三首

上方風日散花宮
春色人間自不同
咫尺九門通氣象
明霞一段下天風

其二

三月長安幾處花
誰知春物屬皇家
濃葩嫩蕊看

無厭賞盡年光到日斜

其三

桃源枉殺避秦人
此日宮園滿樹春
向夕天風樓上起
繽紛花雨七重欄

從三位藤公信全哭詞三首

九重冠劍罷朝
天腸斷白楊秋色
邊百歲空拌一
坏土北邙蕭寂鎖寒烟

其二

丹旄搖搖東出京
一時賓從益傷情
祇園鏡鉞秋風起
千載佳城傷化城

其三

別情此日為君鍾
方外猶思棟宇容
已識浮生非實報
緣因會向覺場逢

悼藤女二首 信全女

依非集下

誰謂隨藍條爾來冰肌玉骨化為埃城頭一片如
月後夜還臨繡戶開

其二

陰風吹雪撲閨門玉柱無聲燈影昏獨有南方無垢
地到來不用賦招魂

題畫蘭 生于懸崖花皆上向

綠葉紫莖奈爾何幽崖寂歷少相過清芳承得朝來
露不謂仙人掌上多

元日作

去歲迎春陪老禪今年何事思蕭然東風依舊庭梅

樹自折一枝供影前

奉謝 大聖公主賜花樹

梁苑幾年芳樹開祇林寂寞此移栽春光只合安禪
外莫引俗人相逐來

花園典公携製作見問因贈之三首公向適肥

見大潮和尚而學詩文云

抱病祇園掩室深勞君何事故相尋玄談不比維摩
默妙偈還開不二心

其二

金錫曾飛西海隈滄波千里壯遊我
芳歸更有明

作非集下

在不是同人不敢開

其三

葛野秋雲生滌翰花園春色滿登樓詩成不惜為相
寄伏枕知吾罷勝遊

藥樹禪師從余遊賦示三首

毘耶室內鎖清秋皓月涼雲屬卧遊寂寞已甘賓客
絕一床容爾問風流

其二

有客來從滄海天京中物色入詩篇緇衣不是風塵
添况復內藏明月懸

其三

舊來好事惠休情定起無端句却成不見珀石雲千里
色何將麗藻向浮名

寄孝秩三首

秋風此夜動長安君自浪華獨倚欄誰向長空吹玉
笛白雲明月大江寒

其二

秋風八月廣陵頭萬里波濤天際浮便有救生成七
發中原病客起無由

其三

作集

長橋流水自逶迤，嫋嫋秋風揚素波。想爾輕舟乘興去，不知何處月明多。

浪華懷古

梅花歲歲難波，春悵望邦畿。一愴神萬戶，炊烟今似古。誰思昔日傳經人。

擬吳中懷古

館娃宮外柳如烟，當日君王醉管絃。孤客尋思并載恨，菱歌忽起夕陽前。

擬越中懷古

才萬豨豨唱凱回，金堂宴罷月徘徊。莫言麋鹿遊吳苑，却使鷓鴣恨越臺。

苑却使鷓鴣恨越臺

擬金陵懷古

石頭城上月輪新，幾使後人悲昔人。今日六朝一陳跡，秋風蕭颯大江濱。

藥樹遊高雄折楓見與賦謝

紅樹千山屬歲闌，病來藜杖罷盤桓。憐君何處停車去，分取秋光掌上看。

冬夜藥樹至賦示

荒園雨歇夜沈沈，沈法窟人稀爾獨尋。杖鉞無端歲還暮，病來空繫白雲心。

送太田生之勢及和五首

十年書劍帝城春，東出逢關客路新。但使江山稱洵美，休言更少意中人。

其二

烟花三月出長安，曉色蒼蒼馬上寒。明日鈴山春物好，不知還作異鄉看。

其三

知君何處駐征鞍，一片芙蓉千里看。曉日碧空無盡色，遙懸白雪向人寒。

其四

遠游君自赤松情，幾處名山採藥行。儻見境佳須為報，吾將辟穀送餘生。

其五

碧澗丹崖芳野山，鸞輿昔日太無還。回頭寥落前朝事，萬樹春花照客顏。

孝秩鑿井于庭徑，尺餘深可一丈周。以斗桶而脫其蓋底，凡七層桶皆倒用。廣狹相齟，以支太得其宜。蓋一日而成，稱曰灌花井，為題一絕。偃蹇誰知閉戶生，風流兼見灌園情。清貧只有栽花好，不說千年貪作名。

時非集
秋日世肅惠近江茶賦謝三首
君家美酒錦波春把向東籬賞幾新別有芳鮮供瓦
折風流贏得白蓮人

其二

蕭條客舍絕將迎包圍新茶淡海名坐得秋風生兩
腋尊鱸非復季膺情

其三

江流千里大湖來湖水湖茶賞更開已向色香知法
味烏論金掌露花杯

題畫象

殊方萬里貢殊形猶憶輪囷入關廷不比千金求
駿骨宛然面目自丹青

秋日與時中孝秩遊清水閣

秋風萬里共登臺海色蒼茫倚檻開薄暮鳴鐘分手
去江天各與月同回

秋晚過聖恩寺敬中和尚不在賦贈默初禪師
聖蹤空負重來興久要猶尋一默禪紅柿黃花秋已
盡紺園相對沈冥天

六言

步月

白蓮池上風度碧樹林間月懸植社橋頭獨立仰看
銀漢橫天

送人還山

歸田難駐陶令賣藥誰知韓公明月荆扉寂寂寒風
桂樹叢叢山中宰相時異谷口幽棲跡同不待萋萋
春草奈君歸意無窮

昨非集卷下

大典老師以詩名而非其志也無所採錄
戊寅之秋王始遊吾門乃聚其散拾其逸
錄以朱編就請吾題則命以昨非蓋亦徵
非其志云浪卷木世肅余方外之交也乞
余得一覽乃請梓之夫為道上也為學
次也苟從事於形而以師之所非為心則
庶乎吾不羞若其是則余之志也矧世尚之
以文為大業者乎其志不可也也固叙吾

事以與之

寶曆己卯三月既望

五瀨淨王識



寶曆辛巳秋浪華
木氏蒹葭堂雕梓

平安書肆植村玉枝軒儒書藏板目錄

通鑑綱目	<small>金平点</small> 百十册	周禮儀禮	<small>林道春點</small> 六册	郭注莊子	<small>南郭先生考訂</small> 十册
同道乙點	百六册	周禮全註	<small>漢鄭玄註</small> 十五册	莊子音義	<small>唐國德明</small> 三册
三國志	<small>晉陳壽</small> 四十册	晏子春秋	五册	五雜俎	<small>陳留謝肇淛</small> 八册
正續文章軌範	四册	劉向新序	五册	藝苑卮言	<small>王世貞</small> 八册
文選傍訓大全	<small>新刊</small> 十册	正續博物志	<small>正晉張華</small> 續宋李石 四册	述異記	<small>梁樂安任昉</small> 二册
同六臣註	六十一册	孝經白文	一册	論孟精義	<small>朱文公作</small> 四册
瑯邪代醉篇	廿三册	春王正月考	<small>晉安張昌寧</small> 三册	儒門思門錄	<small>林道春</small> 四册
公羊傳穀梁傳	十四册	蒙求	<small>再治</small> 三册	梧意客談	<small>山内先生</small> 二册
五經無點	六册	新刻蒙求	<small>南郭先生校正</small> 三册	書經天度辨	<small>附天文圖</small> 尾里吉 六册

歸正漫錄 <small>儒佛問答 安井真祐一冊</small>	古文真寶 <small>片九附 二冊</small>	古文真寶 <small>片九附 二冊</small>	小學白文 <small>片九附 二冊</small>	小學句讀頭書 八冊	大極圖說頭書 <small>熊谷亨菴 一冊</small>	北山記聞 <small>大山開書 六冊</small>	護園隨筆 <small>但東先生 三冊</small>	辨疑錄 <small>伊藤長胤 四冊</small>	金華先生文集 <small>平野源吉 四冊</small>
本朝年號便覽 <small>速水房常 一冊</small>	官位裝束指掌圖 <small>折本一冊 德田良方</small>	裝束拾要抄 二冊	紫式部日記傍註 <small>壺井先生 二冊</small>	職原抄私記 四冊	江家次第 <small>大江匡房 十九冊</small>	中臣教 <small>折本 一冊</small>	神道深秘 <small>傳教大師 二冊</small>	神道名目類聚抄 六冊	神代卷私說 <small>自井宗因 八冊</small>
瀛奎律髓 <small>方回五里 十冊</small>	玉壺詩稿 <small>蘭皋先生 四冊</small>	唐詩韻馬 <small>晴港龍肅明 一冊</small>	鍾情集 <small>服應卿遺詩 一冊</small>	排韻詩稿 一冊	一家詩品 <small>梁鍾嶸 唐司空圖 一冊</small>	皇元風雅前後集 六冊	唐人萬首絕句選 <small>濟南王士禛 一冊</small>	李杜絕句 <small>李大白 四冊</small>	續皇明詩選 <small>李卓吾 一冊</small>

增續韻府 <small>陰時夫幼弦 卅八冊</small>	洪武正韻彙編 <small>高皇帝 十冊</small>	七經孟子孝文補遺 <small>世二冊</small>	入學紀綱 <small>楊齋 一冊</small>	入學紀綱 <small>增田謙之 一冊</small>	歲華紀麗 <small>唐韓鄂撰 四冊</small>	七書字義 <small>河州若山千太郎 二冊</small>	七書頭書 十三冊	論孟註疏 <small>未刻 四十八冊</small>	賈宜新書 十冊
夷堅志和解 <small>桑門齋賢 四冊</small>	野語述說 <small>壺峯仲九父 八冊</small>	分類群書日故事大全 十二冊	愈愚隨筆 <small>有鄰 十二冊</small>	扁額口談 一冊	世事根元 二冊	太平記 廿一冊	本朝年代記 十一冊	日本書籍考 <small>附經典題說 林道春二冊</small>	新選朗詠集 <small>藤原基俊 二冊</small>
詩林良材 <small>水胡子翁 六冊</small>	和韓唱酬集 七冊	濟北集 <small>東福寺虎閑詩文 十冊</small>	東坡五言抄 二冊	瑞林集 <small>智積院蓮歌詩文 十冊</small>	閑居編 <small>孤山智因詩文 十冊</small>	大明晉安風雅 <small>郡徐燭惟和 四冊</small>	江陵集 <small>萬菴秘尚詩文 四冊</small>	晚唐詩抄 <small>未刻 五冊</small>	李長吉集 <small>未刻 一冊</small>

續字彙補 <small>仁和吳任臣志伊 十四冊</small>	訓蒙故事要言 <small>宮川一翠子 五冊</small>	詩林良材後篇 <small>水胡子翁 十二冊</small>	字彙卷末解 <small>河野通清 二冊</small>	唐譯便覽 <small>岡島冠山子 五冊</small>	詩法入門 <small>六冊</small>	說文註 <small>漢許慎 十二冊</small>	唐語便用 <small>岡島冠山子 五冊</small>	詩法授幼抄 <small>柳原玄甫 五冊</small>	說文字母集解 <small>井上支菴 六冊</small>	倭爾雅 <small>貝原好古 五冊</small>	和語圓機活法 <small>宮川一翠子 十冊</small>	說文字原 <small>未刻 二冊</small>	續和漢名數 <small>貝原篤信 三冊</small>	增補國花集 <small>毛利虛白 二冊</small>	六書正偽 <small>五冊</small>	袖玉伊呂波韻 <small>一冊</small>	越王帖 <small>廣沢先生書 一冊</small>	書體辨疑惣論 <small>嘉信脩狀甫 一冊</small>	梅花心易明鑑 <small>二冊</small>	世寶秘苑要術 <small>藤井以求子 五冊</small>	篆隸十字文 <small>一冊</small>	京都書林玉枝軒 <small>堀川通高 二冊</small>	算法根源記 <small>佐藤利左衛門 五冊</small>	江戸出店 <small>高兼橋老下 二冊</small>	算鑑記 <small>神原一學 二冊</small>	大坂出店
--	---------------------------------------	---------------------------------------	-------------------------------------	-------------------------------------	---------------------------	-----------------------------------	-------------------------------------	-------------------------------------	--------------------------------------	-----------------------------------	---------------------------------------	----------------------------------	-------------------------------------	-------------------------------------	---------------------------	-----------------------------	------------------------------------	---------------------------------------	-----------------------------	---------------------------------------	----------------------------	---------------------------------------	---------------------------------------	-------------------------------------	-----------------------------------	------

寶曆十一年辛巳秋九月發行

京師書鋪

堀川高上町 植村藤右衛門
 寺町四條下町 植村藤次郎
 江戸本石町十軒店 植村藤三郎

